

御選明詩卷第五十一目錄

五言律詩二

張羽二十九首

徐賁三十三首

宋克一首

陳則三首

王行三首

呂敏三首

滕毅一首

楊訓文一首

魏觀十一首

熊鼎一首

劉崧九首

劉承直二首

孫作四首

唐肅三首

藍仁七首

藍智二十七首

許伯旅二首

王佑一首

秦約一首

韓守益一首

陶誼一首

張適十三首

范準一首

彭正德一首

馬治三首

盧熊一首

聶同文二首

鎚炳四首

郭奎七首

陳汝言七首

鄭定一首

李暉一首

虞堪三首

王澤一首

李延興八首

胡翰一首

貝瓊十四首

張宣三首

謝恭一首

邵亨貞三首

錢宰二首

許繼二首

御選明詩卷第五十一

五言律詩二

張羽

尋春

朝來微雨罷何處可尋春
冰散池容動煙銷柳意新
穿林聽鶯遠度陌問花頻
但覺相逢處情親似故人

尋梅

策杖度林塘幽尋犯曉霜
臨池疑掩映傍竹畏遮藏
款曲敲僧舍徘徊繞苑牆
好攜三弄笛樹底爲催妝

早春旅懷

遠客歸未得東風冷尚嚴
燒痕山頂禿春色柳眉尖
病

久醫方熟貧深酒債添浮生欲何以朝暮爲蠶鹽

寄王隱君止仲次高季迪韻

春江念久違獨掩雨中扉新水添漁網初晴稅繭衣
餘憐笋嫩酒熟惜花稀在客偏相憶韶光去若飛

遊虎丘

春入翠微深春風吹客襟相攜木上座來禮石觀音老
樹積古色薄雲生晝陰林僧修茗供默坐契禪心

夏夜舟中

畫舫暮來過風傳子夜歌簟紋涼更淨荷氣夕偏多落
月斜簟柱流螢拂扇羅此中無限意其奈曙鐘何

涼夜

金氣已呈秋新涼入夢幽閨人砧欲動侍女扇將收玉
露清瑤簟銀河繞畫樓更憐今夜月隱隱樹西頭

江晚旅懷

短長亭下景引睇入吟哦疎樹立寒色短煙行夕波山
空秋氣老江遠客愁多忽動匡廬興白雲生薜蘿

池上

秋水轉庭柯臨池晚興多禽閑棲缺岸魚戲動涼波露
浥將衰柳風欹欲敗荷雖無江海思咫尺得頻過

約徐隱君幼文同隱吳興

吳興好山水子我盍遷居繞郭羣峰列迴波一鏡如蠶
餘即宜稼樵罷亦堪漁結屋雲林下殘年共讀書

送呂道士

石室無人住歸心似鶴輕山君驅虎去童子報丹成玉
竇憑龍守芝田借雨耕懷君明月夜遙聽步虛聲

寄吳有本

相思不可見夢裏却逢君兩地共明月一方空碧雲江
秋鴻背侶山夜鶴離羣記得湖邊寺詩題醉後分

孫景翔幽居

厭踏軟紅塵閑居江上村養魚寬鑿沼愛竹別移門月
色侵書幌山光入酒尊我慙行役擾猶未卜田園

送劉仲鼎歸杭州

欲別又牽衣傷心故舊稀自憐爲客久不忍送君歸遠

岫明殘雪空江淡落暉東風重回首一鴈背人飛

越上別范景文

君家難弟兄當世結詩盟五字關風雅千年說姓名遠
煙拖柳色薄月瀉灘聲又作耶溪別何時話此情

隱者山房

家住白雲深好山青對門樹肥花結子土暖竹生孫猿
挂枯松折牛行淺水渾自云歸隱後嬾與俗人言

山陰曉發寄暨陽舊友

水漲官河遠西風去棹輕四山猶暝色萬木盡秋聲村
近聞雞犬天寒憶弟兄故園歸未得飄泊若爲情

詩窮

道在何妨拙身安一任貧已知如意事不逐苦吟人瀑
布空山月梅花破屋春奚囊有佳句未肯寄朝紳

客夜懷王英甫

半生江海猶未卜菟裘今夜鴈初過他鄉人正愁青
燈孤枕夢黃葉一庭秋何日尋歸棹山陰訪子猷

席上聞歌妓

豔色傾前席高歌度遠楹羞多時掩面嬌重未成聲淺
按紅牙拍輕和寶鈿箏周郎知誤處衆裏最多情

玉泉山中懷李景山田師孟二公

鴈落蒼煙外蟬吟夕照中與誰論古道獨自立秋風遠
岫青無數晴波碧四空故人成久別不見寄詩筒

送同行省親

送子綠楊堤楊花如雪飛相看忍相別同出不同歸鴈
背夕陽遠馬嘶春草肥北堂慰孤寂喜色動斑衣

永康道中

石路多盤折秋陽向鬱蒸矮牆低貼水老樹倒懸藤白
髮腰鐮叟緇衣頂笠僧村醪何處問更入亂雲層

過瓜洲

落日瓜洲渡餘寒透薄衣客囊空薏苡春色自薔薇江
遠水東去天晴鴈北飛故山千里外昨夜夢先歸

隱者山房

一龕居絕頂門外衆山橫池小魚能活庭荒草亂生窗

御選明言 卷五
虛延月色林遠隔鐘聲俗客不得到主人無送迎

送客還山

乍見即言還望雲歸遠山舟行白鳥外路出綠陰間鄰
父開松徑家童埽竹關世塗方擾擾誰復似君閒

訪道行上人時寓海雲

尋僧自補屐古寺夏雲中聽鳥明聞性看花悟色空風
傳煙磬遠竹引野泉通便欲捐塵累香燈事遠公

送僧之華亭行化

華亭多勝槩此去幾時還古寺寒林外荒城野水間地
靈偏有鶴海近絕無山龐老知音者相看必破顏

贈僧還日本

杖錫去隨緣鄉山在日邊徧叅東土法頓悟上乘禪咒
水龍歸鉢翻經浪避船本來無去住相別與潸然

徐貴

宿王判簿宅送徐孟岳

來往頻吳越扁舟只載書言從交後淡情恐別時疎涼
意蓮塘靜宵光竹牖虛懸知待明發析盡是愁初

東城道中與王守敬張思廉同賦

水郭秋風後尋詩客共過晚鴻將集渚風葉盡隨波野
客便詩思潭魚識棹歌前山青數點不似亂雲多

送唐處敬赴嘉興

莫謾唱陽關愁多湖上山春風催去艇酒色解離顏路

出三江外程淹一日間官亭車馬散俱是送君還

次韻荅楊孟載池閣晚坐四首

獨坐面萍池微涼汎碧漪意緣多病嬾詩是苦吟遲孤
柳風難定叢篁雨不歇蕭閒此中趣未信鬢如絲

晚涼池閣靜藹藹綠陰交野燕將新子牆桑發舊苞藥
房因雨閉茶臼待晴敲誰念孤吟客繩牀坐岸坳

閣晚飈初歇池萍水不漪衆禽鳴未定獨鶴宿常遲無
悶杯仍酌多眠枕屢欹黃梅時節裏常是雨絲絲

習靜消微恙驚時念故交花殘紅剩萼蕉長綠成苞茶
器晚猶設歌壺醒不敲遙知涼思足行樂到林坳

秀野軒

何處問幽尋軒居湖上林竹陰看坐釣苔迹想行吟嶂
日斜明牖渚風涼到琴相過有鄰叟應只話閒心

和高二啓聞鄰家琵琶之作

花暗短垣春琵琶度隔鄰促絃知改調停撥似要人得
見情應眷遙聽已思親摧藏曲中怨何事話能真

送易架閣

何處唱離歌前湖一棹過日斜山似近水落渚偏多寒
意歸沙柳秋風到浦荷不知今夜夢還隔幾煙波

丁未年人日

人日轉寒深春城澹澹陰殘梅仍故色啼鳥換新音曆
喜逢時看詩多感物吟愁來渾是醉誰道酒能禁

待杜二寅不至

春水路西東思君悵望中
落花湖上雨歸鳥柳間風
雲影疑飛蓋歌聲認短篷
蕭條一杯酒此夕向誰同

夜投白蓮寺

飲別東家叟行投西寺僧
無風收閣幔有月罷廊燈
竹夜聲偏集池寒色似凝
無端值詩景清興覺逾增

兵後過罽亭山

罽亭西去遠一過一淒然
鴈宿蘆中月人歸草際煙
漁家多近水戎壘半侵田
尚喜餘民在停舟問昔年

同行師訪席有道分韻得尋字

邂逅空門友仙家得共尋
石苔經屐破冰溜落溪深
雲